


忠經
朱文公政訓
西山政訓

臣軌
官箴
求志編





忠 經

馬 鄭
融 玄
著 注

王雲五主編

叢書集成初編

忠經及其他五種

中華民國二十五年六月初版

發行人

王雲五
上海河南路五

印刷所

商務印書館
上海河南路

發行所

商務印書館
上海及各埠

鎮

一一九六上

(本書校對者林懷民)

欽定四庫全書提要

忠經一卷。舊本題漢馬融撰。鄭元註。其文擬孝經。爲十八章。經與註如出一手。考融所述。作具載後漢書本傳。元所訓釋。載於鄭志目錄尤詳。孝經註依託於元。劉知幾尙設十二驗以辨之。其文具載唐會要。烏有所謂忠經註哉。隋志唐志皆不著錄。崇文總目始列其名。其爲宋代僞書。殆無疑義。玉海引宋兩朝志。載有海鵬忠經。然則此書本有撰人。原非贗造。後人詐題馬鄭。掩其本名。轉使真本變僞耳。

忠經序

後漢南郡太守馬融譔

忠經者。蓋出於孝經也。仲尼說孝者所以事君之義。則知孝者。俟忠而成之。所以答君親之恩。明臣子之分。忠不可廢於國。孝不可弛於家。孝既有經。忠則猶闕。故述仲尼之說。作忠經焉。今皇上含庖軒之姿。韞助華之德。弼賢俾能。無遠不舉。忠之與孝。天下攸同。臣融岩野之臣。性則愚朴。沐浴德澤。其可默乎。作爲此經。庶少裨補。雖則辭理薄陋。不足以稱焉。忠之所存。存於勸善。勸善之大。何以加於忠孝者哉。夫定高卑以章目。引詩書以明綱。吾師於古。曷敢徒然。其或異同者。變易之宜也。或對之以象其意。或遷之以就其類。或損之以簡其文。或益之以備其事。以忠應孝。亦著爲十有八章。所以洪其至公。勉其至誠。信本爲政之大體。陳事君之要道。始於立德。終於成功。此忠經之義也。謹序。

忠經

後漢南郡太守馬融撰
大司農鄭玄註

天地神明章第一

昔在至理。上下一德。以徵天休。忠之道也。

忠之爲道。乃合於天。至理之時。君臣同德。則休無應也。

天之所覆。地之所載。人之所履。莫大乎

忠。覆載之間。人倫之要。履之則吉。違之則凶。無有大於忠者。

忠者中也。至公無私。

不正其心而私於事。則與忠反也。

天無私。四時行。地無私。萬物生。人無私。大

享貞。四時廣運。天不私德。萬物亨生。地不私力。人能至公。不私諸己。何往不可也。

忠也者。一其心之謂也。

一則爲忠。二則爲僻。

爲國之本。何莫由忠。

未有舍忠而成於務。

忠能

固君臣。安社稷。感天地。動神明。而況於人乎。

君臣固。其義深也。社稷安。其祚長也。天地感。其誠達也。神明動。其應彰也。忠之爲用。其効如此。言人之易從也。

夫忠興於身。著於

家。成於國。其行一焉。

身乃國家。雖有殊名。其爲忠也。則無異行。

是故一於其身。忠之始也。一於其家。忠之中也。一於其國。忠之終也。

道行自漸。忠之大焉。

身一則百祿至。

立身復一。富貴之本。

家一則親和。

御家不二。自然篤睦。

國一則萬人理。

天下合心。無不從化。

書云。惟精惟一。允執厥中。

精一守中。
忠之義也。

聖君章第二

惟君以聖德監於萬邦。聖君在上。垂監於下。萬邦在下。觀行於上。自下至上。各有尊也。故王者上事於天。下事於地。中事於宗廟。以

臨於人。王者至重。猶有所尊。況其下乎。則人化之。天下盡忠以奉上也。上行下化。理之自然。文王敬邇虞尚。邇畔是也。是以兢兢戒慎。日增其明。日增一日。德益明也。

祿賢官能。式敷大化。惠澤長久。黎民咸懷。非懷不可以居祿。非化不可以懷人。任賢陳化。君之要也。故得皇猷丕丕。行於四方。揚於後代。以

保社稷。以光祖考。君聖臣賢。化行名播。以光祖考。以嚴配社稷於無疆者也。蓋聖君之忠也。忠之爲道。無所不通也。詩云。昭事上帝。聿懷多福。君以明德事天。天以多福與人。

也。君

冢臣章第三

爲臣事君。忠之本也。本立而後化成。雖有周孔之才。必以忠爲本也。冢臣於君。可謂一體。下行而上信。故能成其忠。股肱動於下。元首運

於上以其義。夫忠者，豈惟奉君忘身，徇國忘家，正色直辭，臨難死節已矣。此皆忠之常道，固所當行，未盡家宰之事。在乎沉謀潛運，

正國安人。至忠無迹，誠在沈潛。任賢以爲理，端委而自化。官各得人，何事之有。尊其君，有天地之大，日月之明，陰陽之和，四時之

信。蓋之如天，容之如地，昭之如日月，調之如聖德洋溢，頌聲作焉。樂生於中，和暢於外。書云：元首明哉，股肱良哉，庶事康哉。明君

則臣良，臣良則事康。

百工章第四

有國之建，百工惟才，守位謹常，非忠之道。此乃背負之臣也。故君子之事上也，入則獻其謀。公家之利，知無不言。出則行其政。

既在其位，職思其憂。居則思其道。益國之道。動則有儀。百事之儀。秉職不回，言事無憚，苟利社稷，則不顧其身。愛己曲從，則爲尸素。上下用成。

故昭君德，蓋百工之忠也。君任工能，工奉君政，政成於下，德歸於上。詩曰：靖共爾位，好是正直。恭可以成正，直可以獻公。

守宰章第五

在官惟明。莅事惟平。立身惟清。

官不明則事多欺。事不平則怨難弭。身不清則何以教民。

清則無欲。平則不曲。明能正俗。三者備矣。然後可

以理人。

獨清則謹已而已。不建於事。獨明則雖察於務。奸賄難任。獨平則徒公於物。昧濁無堪。夫理人者必三備而後可也。

君子盡其忠能。以行其政令。而不理者。未之聞也。

既才

且忠以臨其人。政之理也。固其必然。

夫人莫不欲安。君子順而安之。

用其情而處之。

莫不欲富。君子教而富之。

因其利而勸之。

篤之以仁義。以固

其心。

知仁與義。則皆就善。

導之以禮樂。以和其氣。

君子愛人。小人易使。

宜君德以弘大其化。

稱君德以布德。敦君化以行化。

明國法以至於無刑。

章條申而

不犯。罔圉。設而常空。

視君之人。如觀乎子。

寒者衣之。飢者食之。

則人愛之。如愛其親。

民懷其恩。有同骨肉。

蓋守宰之忠也。詩云。豈弟君子。民之

父母。

父母愛子。情莫過焉。守宰愛人。官莫謹焉。人誰非子。

兆人章第六

天地泰寧。君之德也。

天地設位。秉御有君。非君泰寧。人必踣躅。

君德昭明。則陰陽風雨以和。人賴之而生也。

四時和順。百穀用成。是以爲休徵。故人之生。賴成於君也。

是故祇承君之法度。行孝悌於其家。服勤稼穡。以供王賦。此兆人之忠也。

順化供養。勤勞奉國。是則爲忠。

書云。一人元良。萬

邦以貞。一人以大善撫萬國。萬國以忠貞戴一人矣。

政理章第七

夫化之以德。理之上也。則人日遷善而不知。德化潛運以心。則不知所由而民從善也。施之以政。理之中也。則人不得不爲善。政施有術。

昭見於人。人勉。懲之以刑。理之下也。則人畏而不敢爲非也。刑臨以威。知懼無犯。刑則在省而中。舜流四凶。足清萬國。政則在

簡而能。簡則易從。能則人服。德則在博而久。不博則有不及。久則人心復澆。德者。爲理之本也。任政非德。則薄。任刑非德。則殘。兼德則厚。加德則寬。

故君子務於德。修於政。謹於刑。刑不謹則濫。政不修則紊。德不務則人不懷也。固其忠以明其信。行之匪懈。何有不理之人乎。忠信在己。恪勤修官。

官修政明。而人自理。故無不能理之吏。無不可理之人。詩云。敷政優優。百祿是遄。政其人理。祿其宜哉。

武備章第八

王者立武。以威四方。安萬人也。武德主寧靜。非利於征伐也。淳德布洽。戎夷稟命。統軍之帥。命不可辱。帥不可失。國之大寄。非易其人。仁以懷之。

撫其疾苦，義以厲之。示其慷慨，禮以訓之，明其節制，信以行之，審其遠近，賞以勸之，懸其爵賞，刑以嚴之，威其鈇鉞，行之咸懷，使其激勸，使之有序。

此六者，謂之有利。六者並用，闕則失之，故晉將用師，子犯曰：未知信之類是也。故得師盡其心，竭其力，致其命。士卒從教，故師得利。是以攻之則克，守之

則固，武備之道也。武可以備而不用，不可以用而不備也。詩云：「赳赳武夫，公侯干城。」有其武才，堪其扞禦。

觀風章第九

惟臣以天子之命，出於四方，以觀風，聽不可以不聰，視不可以不明。使臣之行，如君耳目，不聰不明，不勝其任。聰則審於事，明則

辨於理。不聰則惑其所聞，不明則蔽其所見。理辨則忠，事審則分。理不辨則其斷偏，事不審則其信惑。君子去其私，正其色。私去則情滅，色正則邪遠。不害理以傷物，

求罪爲公，則成刻浮。不憚勢以舉任。舉必以才，不必以勢。惟善是與，惟惡是除。善雖難必薦，惡雖親必去。以之而陟則有成，君子效，能也。以之而出則無

怨。小人伏罪也。夫如是，則天下敬職，萬邦以寧。官務修政，人始獲安。詩云：「載馳載驅，周爰諮諏。」勤勞不寧，善斯勸矣。

保孝行章第十

夫惟孝者必貴於忠。若思孝而忘忠，猶求福而棄天。忠苟不行，所率猶非道。忠不居心，動則邪僻。是以忠不及之而失其守。自貽伊罰，求安可乎。匪惟

危身辱其親也。既失於忠，又失於孝。故君子行其孝必先以忠，竭其忠則福祿至矣。忠則得福，祿則榮親。故得盡愛敬之心以養

其親，施及於人。守忠之道，衆善攸歸，身安親樂，得盡其養。此之謂保孝行也。以忠之故，得保於孝。詩云：孝子不匱，永錫爾類。考叔行孝，施於莊公，君子善之，此之謂也。

廣爲國章第十一

明主之爲國也，任於正，去於邪。任正則君子道長，去邪則小人道消。邪則不忠，忠則必正。忠則不邪，正則必忠。有正然後用其能。能而無正則邪，正而有能

則是故師保道德，股肱賢良。周爲保，召爲師，元爲股，凱爲肱。內睦以文，外戚以武。教莫若文，威莫若武。被服禮樂，隄防政刑。禮樂，德之則，不可違，刑，禮之要。

不可破壤。故得大化興行，蠻夷率服。化行文被，夷服武偃。人臣和悅，邦國平康。禮樂善而政刑清也。此君能任臣，下忠上信之所致也。臣

忠於君，君在委於臣。詩曰：濟濟多士，文王以寧。成廈非一木之才，爲國資庶臣之力。

廣至理章第十二

古者聖人以天下之耳目爲視聽。用天下之視聽則無不見聞也。天下之心爲心。順物之情不任己欲。端旒而自化。居成而不有。斯可謂

致理也已矣。默化元運。王者思於至理其遠乎哉。道無遠近。弘之則是。無爲而天下自清。有事則煩。不疑而天下自信。不疑於物。

物亦信焉。不私而天下自公。不私於物。物亦公焉。賤珍則人去貪。貪由有珍。珍去貪息。微侈則人從儉。儉消於侈。侈除儉生。用實則人不僞。見實知僞之惡。

崇讓則人不爭。見遜知爭之失。故得人心和平。天下淳質。化行心易。咸服其淳。樂其生。保其壽。氣得天和。咸無夭折。優游聖德。以爲自然

之至也。聖德無涯。與天地準。詩云。不識不知。順帝之則。雖迷帝德。不達其則。

揚聖章第十三

君德聖明。忠臣以榮。欣已獲奉斯君。君德不足。忠臣以辱。恥躬不能爲臣。不足則補之。聖明則揚之。古之道也。補褒之闕。揚君之休。古之忠臣。

則皆然也。是以虞有德。咎繇歌之。文王之道。周公頌之。宣王中興。吉甫詠之。君上行仁覆之道也。臣下有贊詠之義也。故君子臣於盛

明之時。必揚之。盛德流滿天下。傳於後代。忠矣夫。若君有盛德而臣不揚。使久遠無聞。則有闕於忠道矣。

辨忠章第十四

大哉忠之爲用也。用忠以教。大莫加焉。施之於邇。則可以保家邦。以有闔域。施之於遠。則可以極天地。以無空窮。故明王爲國。必

先辨忠。爲國藉臣。忠者臣節。不先辨忠。國將安寄。君子之言。忠而不佞。小人之言。佞而似忠。而非聞之者。鮮不惑矣。忠言逆志。必求諸道。佞言遜志。

必求諸非道。夫忠而能仁。則國德彰。爲君撫愛。忠而能知。則國政舉。忠而能勇。則國難清。爲君謀忠。爲君果毅。故雖有其能。必由

忠而成也。思而有能。則有功。仁而不忠。則私其恩。仁愈多而恩愈深。知而不忠。則文其詐。知愈多而詐愈密。勇而不忠。則易其亂。勇愈多而易其

亂。是雖有其能。以不忠而敗也。能而無忠。則爲敗。此三者。不可不辨也。書云。旌別淑慝。其是謂乎。善惡既別。任使不謬。

忠諫章第十五

忠臣之事君也。莫先於諫。糾過正德。惟能諫之。下能言之。上能聽之。則王道光矣。上能聽。下不能言。則虛其聽。下能言。而上不能聽。則虛其言。言聽俱能。則君臣諫合。則其道光。

也。明諫於未形者。上也。先事而止。君遠不聞。諫於已彰者。次也。出必及施。改之非後。諫於既行者。下也。行而能改。雖下猶愈。達而不諫。則非忠臣。

從君所昏。夫諫始於順辭。中於抗議。終於死節。以成君休。以寧社稷。順辭不從。犯顏抗議不從。則繼之以死。其能使君改過爲美。社稷之安固也。書云。太

從繩則正。后從諫則聖。繩直可以正木。忠臣可以正主也。

證應章第十六

惟天監人。善惡必應。爲善則吉。爲惡則凶。善莫大於作忠。百行大善。無忠皆妄。惡莫大於不忠。大惡之惡。爲逆者殃。忠則福祿至焉。不忠則刑

罰加焉。忠則忠播聞。未有不祿。不忠則不忠彰。兆未有不刑。君子守道。所以長守其休。小人不常。所以自陷其咎。天意本休。君子知而順之。天意無咎。小人求而取之。休

咎之徵也。不亦明哉。天監孔明。勿謂茫昧。書云。作善降之百祥。作不善降之百殃。禍福無門。惟人自召。

報國章第十七

爲人臣者。官於君。臣之官祿。君實錫之。先後光慶。皆君之德。光格祖考。慶垂子孫。不思報國。豈忠也哉。忠則必報。不報非忠。君子有無祿而益

君。無有祿而已者也。君臨天下。誰不爲臣。食土之毛。皆銜君德。黎氓迷於日用。君子之懷帝恩。故偃息山林。有能審國。況荷君祿位而無聞焉。報國之道有四。一曰貢賢。進得其才。君可端拱。

曰獻猷。納當其善。君可依行。三曰立功。功著其庸。君可無恩。四曰興利。殖致其厚。君可與足。賢者國之幹。幹可立。猷者國之規。規可執。功者國之將。將可執。

利者國之用。用可給。是皆報國之道。惟其能而行之。各以其能而報於國。道斯廣矣。詩云。無言不酬。無德不報。況忠臣之於國

乎。凡人之間。一言一德。猶必報。君臣之義。恩莫重焉。如何忘也。

盡忠章第十八

天下盡忠。淳化行也。忠有所未盡。則淳化不行。君子盡忠。則盡其心。小人盡忠。則盡其力。君子可以盡謀。小人可以効命。盡力者則止其身。

盡心者則洪於遠。止身則匹夫之事。洪遠則萬物之利。故明王之理也。務在任賢。賢臣盡忠。則君德廣矣。聖無獨理。道無常師。古之明王。必求賢明。無不修德。

賢臣則無不盡忠。忠則爲政教以之而美。君上立教。臣下所敷。禮樂以之而興。君上制作。臣下所行。刑罰以之而清。君上恤行。臣下所化。仁惠以之而

布。四海之內有太平焉。君德既備。人懷始康。樂至而歌。自然之理也。嘉祥既成。告于上下。君臣之始於政能。著於羣瑞。故其成功可以告神明也。是故播於雅頌。傳

於無窮。德施於人。務格於神。而後行於樂。樂行則何極之有。

